



Von den aller ersten Meyssni- schen Bergwercken vnd derselben erfindung.

Der ander Littel.



Sto Bischoff zu Freysingen/
in seiner Historien schreibet das bey Keyser
Ottonis I. zeiten das Bergwerck zu Goslar/ wel-
ches Silber vnd Kupffer / oder wie Sigebertus
aus Gold vnd Silber gegeben / auffkommen.

allererstes
Bergwerck
im Lande zu
Meyssen.

Diesem haben nachmals viel Historici/
so von den Keysern vnd andern geschichten et-
was geschrieben / gefolget / vnd ist also solches
bisher in keinem zweiffel gesezet worden / wie
auch an seinen ort ferner meldung geschehen sol.

Neben diesen wollen etliche newe Scribenten / vnter denen auch Wolffgangus
Craus / Valentinus Moncerus vnd Brotufius bekant sein (dazu ein alte
Magdeburgisch gedruckte Chronicon / so für das Reichbilde gesezt / stimmet)
das auch die Bergwerck im Lande zu Meyssen zum allerersten zur zeit desselben
Goslarischen Bergwercks erfindung / oder se kurz hernach sich ereiget / vnd ih-
ren anfang sollen genommen haben. Vnd wird das allererste Bergwerck dieses
orts / so zur selben zeit erfunden vnd zu bauen angefangen / von etlichen Nam-
haftig gemacht / vnd zum Sieben Lehen genant / welches denn von einem Städte-
lein / so nicht fern von Freyberg gelegen / vnd heut zu Tag noch Siebeln genant
ist / verstanden wird. Neben dem wollen auch etliche diese wort / so im Ditmaro
lib. 2. stehen / hiezu anziehen / vnd von dieser meinung verstehen: Temporibus suis

Sieben Le-
hen.

Siebeln.

(vid. Ottonis I.) aureum illuxit seculum, & apud nos primum inuenta
est vena argenti. Denn sie die wörtlein / apud nos, weil er im Lande zu Meyssen
solch sein Buch geschrieben / auff's Land zu Meyssen / vnd nicht an Sachsen / zie-
hen wollen / welches ich hiemit in seinen werden bleiben / vnd einem andern vor-
theidigen lasse. Aber sonsten hat derselbe Flecken (so zur zeit vnter das Fürst-
liche vnd reiche Kloster alten Cella gehöret / vnd jetzund damit wir dieses auch
gedencken / sonderlich wegen der guten Semmeln / schönen schmackhaff-
ten weissen Brods / so allda gebaeken / vnd viel gen Freyberg Dresden vnd andre
vmbliegende ort geführet vnd getragen wird / beruffen) ein sehr alt Bergwerck
gehabt / wie aus der gelegenheit / Hallen / Bingen / vnd andren anzeigungen / für